

**119** fyrir utan fæðingarhrepp sinn, Miklaholtshrepp, þá á hann sveitfesti í nefndum fæðingar-  
18. nóv. hreppi sínum.

Samkvæmt þessu staðfestist hjer með ofanefndur úrskurður yðar.

Þetta tilkynnist yður hjer með til þóknanlegrar leiðbeiningar og frekari birtingar.

**120** Brjef landshöfðingja til amtmannsins yfir norður- og austuramtinu um máls-  
28. nóv. kostnað í gjafsóknarmáli. — Með þóknanlegum brjefum, 25. apríl og 7. sept. þ. á., hafið þjer, herra amtmáður, lagt það til, samkvæmt ósk verzlunarstjóra Chr. Havsteens á Siglu-  
firði, að ávísaður yrði úr landssjóði kostnaður nokkur, að upphæð 46 kr., við gjafsóknar-  
mál nefnds verzlunarstjóra við Jón bónda Þorkelsson á Svadastöðum, útaf hvalreka við  
Þórðarhöfða 13. apríl 1876, en mál þetta lyktaði þannig við yfirjettinn, að því er máls-  
kostnaðinn snerti, að hann skyldi falla niður.

Útaf þessu undanfelli jeg eigi hjer með þjónustusamlega að tjá yður til þóknan-  
legrar leiðbeiningar og frekari birtingar, að af ofanefndum kostnaði hafa 20 kr., máls-  
færslulaun Snorra heitins Pálssonar við undirjettinn, verið ávísáðar úr landssjóði 14. júní  
1880 Jóni heitnum Jónssyni landritara, samkvæmt ósk Snorra Pálssonar, og eru þær  
þannig þegar greiddar úr landssjóði, en að því er snertir hinar 26 krónurnar af ofan-  
nefndum kostnaði, en það er borgun fyrir mat á hval þeim, er málið var um, samkvæmt  
yfirjettardóminum, þá verð jeg að álíta, að þessi kostnaður við fullnægingu dómsins  
geti eigi talizt með þeim kostnaði af gjafsóknarmálum, sem heimild er til að greiða úr  
landssjóði samkvæmt 5. gr. laga 12. júlí 1878, um gjafsóknir, og sje jeg mjer því eigi  
fært að ávísá þessum 26 kr. úr landssjóði.

**121** Brjef landshöfðingja til biskups um eptirlaun prestsekkna þeirra, er njóta  
10. des. náðarárs. — Með þóknanlegu brjefi, dags. 26. f. m., hafið þjer, háæruverðugi herra,  
skýrt mjer frá því, að sjera Jón Austmann, síðast prestur að Stöð í Stöðvarfirði, hafi  
andazt 6. septbr. síðastliðinn, og að hann hafi látið eptir sig ekkju, Helgu Jónsdóttur,  
sem beri að fá eptirlaun sín úr landssjóði frá næstkomandi fardögum.

Með því nú að hinni hjerumræddu prestsekkju ber náðarár í brauðinu frá næst-  
komandi fardögum til fardaga 1889 og með því að svo hefur verið álitid, að prests-  
ekkjum beri þá fyrst eptirlaun, er náðarárið er á enda (sbr. landshöfðingjabrjef 23. okt.  
1885, Stj.tíð. 1885 B. bls. 137), þá verður ekki fyr en náðarárið er á enda gjörð nein  
ráðstöfun til, að hinni hjerumræddu prestsekkju verði greidd eptirlaun úr lands-  
sjóði.

Þetta tilkynnist yður hjer með til þóknanlegrar leiðbeiningar.

**122** Brjef landshöfðingja til formanns skattanefndarinnar í Stokkseyrarhreppi um  
12. des. að afgjald af skólajörð sje undanþegið tekjuskatti. — Með þóknanlegu brjefi, dags.  
7. þ. m., hafið þjer, fyrir hönd skattanefndarinnar í Stokkseyrarhreppi, skýrt  
frá því, að sýslumaðurinn í Árnessýslu hafi krafizt þess af nefndinni, að af-  
gjaldið af jörðinni Vallarhjáleigu í Gaulverjabæjarhreppi, 54 kr. á ári, verði talið með  
skattskyldum tekjum á skattaskrá Stokkseyrarhrepps, en þarsem jörð þessi sje eign barna-  
skólans í Stokkseyrarhreppi spyrjizt þjer fyrir um það, hvort afgjald af henni sje eigi

undanþegið skatti, samkvæmt 9. gr. tekjuskattslaganna 14. desbr. 1877, einsog hingað til hafi verið álitíð.

122  
12. des.

Fyrir því skal yður til vitundar gefið til þóknanlegrar leiðbeiningar, að það er rjettur skilningur á 9. gr. tekjuskattslaganna, sbr. orðin »sjóðir, sem stofnaðir eru til almennra þarfa«, að afgjaldið af jörðinni Vallarhjáleigu sje undanþegið tekjuskatti, að svo miklu leyti sem jörð þessi er eign barnaskólans í Stokkseyrarhreppi.

Brjef landshöfðingja til amtmannsins yfir norður- og austuramtinu um fyrirframborgun gjalda fyrir lögtaksgjörðir. - Með þóknanlegu brjefi, dags. 24. f. m., hafið þjer, herra amtmaður, að partil gefnu tilefni frá sýslumanninum í Eyjafjarðarsýslu, beiðzt úrlausnar minnar um það, hvort gjöld til stefnuvotta fyrir birting lögtaksúrskurðar samkvæmt 4. gr. laga 16. desbr. 1885, um lögtak og fjárnám án undanfarins dóms eða sáttar, og yfir höfuð gjöld til votta við lögtaksgjörðir sjeu eigi innifalin í gjöldum þeim fyrir lögtaksgjörðir, sem ákveðið er um í byrjun 7. gr. nefndra laga, að eigi megi heimta þau greidd fyrir fram.

123  
31. des.

Fyrir því læt jeg eigi hjá líða, að tjá yður hjermeð til þóknanlegrar leiðbeiningar, að jeg ætla eigi að borgun til stefnuvotta fyrir birting lögtaksúrskurðar verði í sambandi því, sem hjer er um að ræða, talin innifalin í gjöldum fyrir lögtaksgjörðina, og að það því aðeins sje gjaldið til fógeta eða hreppstjóra og lögtaksvotta, sem eigi megi krefjast fyrirfram samkvæmt ofan nefndri lagaákvörðun.

#### STYRKUR ÚR LANDSSJÓÐI.

Samkvæmt fjárlögum fyrir 1886 og 1887.

10. gr. C. 4.

Samkvæmt tillögum amtmannsins yfir norður- og austuramtinu fyrir hönd amtsráðsins þar var af þeim 1500 kr., sem getur um í Stj.tíð. þ. á. B. bls. 107, styrkur veittur 16 búnaðar- og framfarafjelögum í amtinu, svo sem hjer segir:

|     |   |                   |
|-----|---|-------------------|
| 1.  | Búnaðarfelagi Torfalækjarhrepps . . . .   | kr. 207,50        |
| 2.  | — Svinavatnshrepps . . . .                | — 193,00          |
| 3.  | — Saudárhrepps . . . .                    | — 146,60          |
| 4.  | — Hofshrepps . . . .                      | — 126,30          |
| 5.  | Framfarafjelagi Svarfdælinga . . . .      | — 56,80           |
| 6.  | — Arnarneshrepps . . . .                  | — 187,20          |
| 7.  | Búnaðarfelagi Bægisárprestakalls . . . .  | — 17,70           |
| 8.  | Framfarafjelagi Glæsibæjarhrepps . . . .  | — 142,00          |
| 9.  | — Öngulstaðahrepps . . . .                | — 11,50           |
| 10. | — Saurbæjarhrepps . . . .                 | — 38,00           |
| 11. | — Grýtubakkahrepps . . . .                | — 53,60           |
| 12. | Búnaðarfelagi Ljósavatnshrepps . . . .    | — 55,60           |
| 13. | Jarðabótafjelagi Helgastaðahrepps . . . . | — 111,30          |
| 14. | Búnaðarfelagi Jökulsárhliðar . . . .      | — 45,80           |
| 15. | — Hjaltastaðahrepps . . . .               | — 41,60           |
| 16. | — Fljótisdælinga . . . .                  | — 41,60           |
|     |   | <hr/> kr. 1476,70 |

10. gr. C. 5.

Veittar alls 14700 kr. til vegagjörðar frá Föelluvötnum áleiðis til Reykjavíkur árið 1887.

16. gr. 14.

Bóksala Sigurði Kristjánssyni veittur 240 kr. styrkur til að gefa út kennslubók í sjómannafræði, þýdda af skipstjóra Markúsi Bjarnasyni.